

CONSTANS (Guillaume), notaire royal de Montauban, minutes 1572-1601, f° 8 (v°) & ss., Archives départementales de Tarn-et-Garonne, cote 5 E 327, PH/MCAS/COM/20211102.

Testement de m(aîtr)e pierre la font notere
royal de serinhac en gascoigne

Au nom de dieu scaichent toutz presens et a venir que
l()an de grace **mil cinq()cens septante cinq** et le **cinquiesme** jour
du mois d **avril a montauban** et dans la **ch(ate)au consulaire**
d()icell(e) regnant souverain prince henri par la grace de dieu
roy de france et()de poloigne par devant moy not(air)e et()tesmoingz
bas nommes estably en personne **pierre la font**
notere royal de serinhac en gascoigne / lequel estant
condampne par arrest de messieurs de la chambre establye
par les estatz aud(it) montauban soubz l()autoritte du roy
a estre pendu et()estrange et estant tout prest d()aller
au suplice a faict et ordonne son testement et()derniere volonte
en la forme et maniere que s()ensuyt pour esviter qu()apres sa
mort n()y ayt proces debat ny question entre ses heritiers
en premier lieu a recommande son ame a dieu le priant
au nom de son filz bien ayme nostre seigneur jesus christ vouloir
avoir pitie et misericorde d()elle et la recepvoir en son
paradis lors qu()elle sera separee de son corps suppliant
les messieurs consulz ausquelz l execu(ti)on dud(it) arrest a este
comise apres sa mort vouloir permettre que son corps soit
inhume chrestienement item a dict et declaire avoir
espouse en secondes nopces anne de()lanes de()laquelle
il n()a rien receu sinon quelques meubles qu()elle a en sa
puissance et au logis ou ilz se tenoient aud(it) montauban
et quelques biens immeubles qu()elle avoit et a encores voulant
et ordonnant led(it) testateur que tant que lad(ite) de()lanes sad(ite)
femme demeurera en viduite qu()elle jouysse entierement
de toutz et chascungz ses biens a la charge de comuniquer
les affaires et()conduicte de sesd(its) biens a m(aîtr)e **gerauld rustaing**

.....
9

beau frere dud(it) testateur a la harge aussi de bien et()duement
norrir et entretenir les enfens dud(it) testateur cy apres nommes du
revenu de sesd(its) biens et au cas que lad(ite) de()lanes sad(ite) femme
se veulhe remarier led(it) testateur luy donne et()legue la somme
de cent livres to(u)rn(ois) payables la moytie le()jour des nopces et
l()aultre moytie dans l()an apres par son heritier bas nomme
et outre ce donne et()legue a sad(ite) femme toutes les robes
bagues et()joyaulx et()generallement tout ce qu()il luy a donne
jusques au jour present pour en fere a ses plaisirs et
volontes tant en la vie qu()en la mort item a dict
avoir **de son premier mariage** une filhe nommee **marie**
de()**la font** a laquelle outre le droict qu()elle pourra avoir
sur les biens de **feue delphine delpech sa premiere**
femme et mere de lad(ite) marie luy donne et()legue cent livres

a pendre sur les biens dud(it) testateur et()payables a()sad(ite) fille
par son heritier bas nomme scavoir la moytie le()jour de
ses nopces et()l()aultre moytie dans l()an de sond(it) mariage
et moyennent ce la fait son heritiere particuliere et ne
veult qu()elle puisse demander et ne veult que puisse
rien plus demander sur ses biens et en toutz et()chascungz
ses aultres biens droictz voix noms et()actions a fait institue
et()de sa propre bouche nomme son heritier universsel
]pier[**pierre la font son filz dud(it) premier mariage
de l()eage de sept a huict ans** auquel veult que ses
biens deviennent et()appartiennent de plain droict apres
son deces et d()aultant qu()il est pupille veut que
lad(ite) de lanes sad(ite) femme et()led(it) rustaing sond(it) beau()frere
soient ses tuteurs et()de()lad(ite) marie sad(ite) fille et administrent
leurs personnes et()biens jusques q(u'i)lz seront d()eage
souffizant pour soy regir et gouverner et au
cas que led(it) pierre lafont sond(it) filz et()heritier decedast

.....

en pupillarite ou sans enfens dessendens de son legitime
mariaige luy substitue lad(ite) (*sic.*) **catherine de la font sad(ite) s(o)eur**
a laquelle aud(it) cas veult et()ordonne led(it) testateur que
sesd(its) biens deviennent et appartiennent de plain droict et
en la forme et maniere que dessus led(it) lafont a fait
et ordonne son testament et derniere colonte lequel()a voulu
que vaille par maniere de testament codicille donation
a cause de mort et au(tr)ement en la melheure forme
que valoir pourra declarant n avoir jamais plus
faitz aulcune aultre disposition testamentaire que
luy souviene et ou en auroit faite casse et
revoque tout aultre testament codicille ou donation
a cause de mort [par] luy ci devant faictes par le teneur
du p(rese)nt lequel a voulu que sorte effaict priant
les tesmoingz soubz nommes en estre memoratifz et
a moy d(it) not(air)e luy en retenir instrument ce que luy
ay concede ez pesances de sy(r)e pierre la coutz
marchant martin francolom jehan bironis pierre poget
bazochien jehan duthil app(otica)re pierre pinarc aussi
app(otica)re pierre carrie bernard morgue peyrotelle jehan
girma habitans dud(it) montauban et moy guillaume
constans not(air)e royal habitant dud(it) montauban qui
requis ay retenu et]signe[me suys signe avecq lesd(its)
tesmoingz et()testateur / Lafont , p la cous tesmoing , bironis ,
francolom p(rese)nt , despinard p(rese)nt , de tilh p(rese)nt , de poget p(rese)nt , b morgue ,
j girma , carrie tesmoing ,]en foy de ee[ainsin signes a la
cede avecq moy()d(it) constans not(air)e soubz(sig)ne en foy de ce dessus de mon seing
acostume

Constans, not(air)e r(o)y(al) susd(it)